

Sarajevo, 19-06-2023  
Broj: 60-04-23576

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta Kliničkog centra Univerziteta u Sarajevu, Pravilnika o javnim nabavkama Kliničkog centra Univerziteta u Sarajevu, na prijedlog Komisije za javne nabavke (br. Izvještaja Komisije broj 10-33-4-23415 od 16.06.2023 godine), Generalna direktorica donosi:

## ODLUKU

o rezultatima okončanog otvorenog postupka javne nabavke a koji se odnosi na javnu nabavku  
„Medicinska sredstva za potrebe KCUS-a I/13/2023-C – Umjetna pužnica“

### I

Prihvata se preporuka o izboru najpovoljnijeg ponuđača Komisije za javne nabavke i okvirni sporazumi za nabavku „Medicinska sredstva za potrebe KCUS-a I/13/2023-C – Umjetna pužnica“ koji se dodjeljuje ponuđačima:

**„MEDICAL INTERTRADE d.o.o.“**

Prema ponudi broj 10-11-3-22310 od 09.06.2023 godine;

### II

Prijedlog okvirnog sporazuma dostavit će se na potpis izabranom ponuđaču najkasnije u roku od 10 dana, računajući od dana kada u svi ponuđači obaviješteni o izboru najpovoljnije ponude.

### III

Obavezuju se ponuđači iz člana 1. ove Odluke da u roku od 7 (sedam) dana od prijema ove Odluke dostave dokumente navedene u tenderskoj dokumentaciji na centralni protokol ugovornog organa, sa obaveznom naznakom broja obavještenja na koji se isti odnose. Ukoliko su isti sastavni dio dostavljene ponude o istom obavezan je pismenim putem obavjestiti Ugovorni organ.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze ova Odluka će se poništiti.

#### IV

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Stav 2. Zakona o javnim nabavkama.

### OBRASLOŽENJE

Klinički centar Univerziteta u Sarajevu je na portalu Agencije za javne nabavke, e-nabavke, objavio obavještenje o nabavci broj 893-1-1-186/23 objavljeno na portalu E-nabavke 17.05.2023. godine.

Javno otvaranje ponuda izvršeno je dana 12.06.2023. godine u 13<sup>00</sup> u prostorijama Tehničkog sektora lokalitet bivša Klinika za opštu i abdominalnu hirurgiju KCUS-a.

Javnom otvaranju ponuda prisustvovali su članovi Komisije, sekretar Komisije i referent Protokola kao i predstavnik ponuđača „Medical intertrade d.o.o.“ gđa Sanela Jukić i predstavnik ponuđača „Widex slušni aparati d.o.o.“ gđin. Rasim Granulo.

Od službe Centralnog protokola preuzete su dvije (2) ponude koje su blagovremeno podnijete, uredno zapečaćene, protokolisane i obilježene po redoslijedu prispjeća, od strane sljedećih ponuđača:

1	10-11-3-22310	MEDICAL INTERTRADE d.o.o.	09.06.2023. – 10:08
2.	10-11-3-22480	WIDEX SLUŠNI APARATI d.o.o.	12.06.2023. – 09:10

Komisija je konstatovala da su ponude blagovremene, te je pristupila otvaranju istih i svi dokumenti u ponudama su parafirani od strane svih članova Komisije i ovjereni pečatom KCUS od strane referenta Protokola. Otvaranje ponuda je završeno u 13<sup>10</sup> sati.

Komisija je na sastanku cijenila formalno-pravnu valjanost dokumenata – dokaza dostavljenih uz ponudu radi utvrđivanja profesionalne, ekonomske i druge podobnosti ponuđača za učešće u predmetnom javnom nadmetanju.

Komisija je dalje vršila analizu dostavljenih ponuda.

#### **PONUDE KOJE NISU PRIHVACENE**

##### **WIDEX SLUŠNI APARATI d.o.o.**

##### **LOT 1 - Umjetna pužnica - implantat sa setom za ugradnju**

##### **PRVI RAZLOG NE PRIHVATANJA PONUDE**

##### **Ponuda prelazi procijenjenu vrijednost:**

Ponuđena vrijednost za LOT 1 je veća u odnosu na procijenjenu vrijednost objavljenu na portalu E-nabavke.

Iz tog razloga ponuda ponuđača WIDEX SLUŠNI APARATI d.o.o. za navedeni LOT 1 se ne može prihvatiti u skladu sa Izmjenama i dopunama Zakonom o javnim nabavkama „neprihvatljiva - čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta”.

Tabelarni prikaz u nastavku.

Naziv LOT-a		Procijenjena vrijednost/KM	Ponudena vrijednost/KM	Prekoračena vrijednost/KM
LOT 1	Umjetna pužnica - implantat sa setom za ugradnju	140.000,00KM	148.500,00KM	8.500,00KM

U skladu sa navedenim ponuda za LOT 1 ponuđača WIDEX SLUŠNI APARATI d.o.o. nije uzeta u daljnje razmatranje.

## **DRUGU RAZLOG NE PRIHVATANJA PONUDE**

### **3.3 Način dostavljanja dokumenata**

Način dostavljanja dokumenata za opći dio ponude (dokazi za kvalifikaciju i izjave):

..... Dobavljač će dostaviti jednu ponudu u originalu i dvije kopije na kojima će čitko napisati: "ORIGINAL PONUDA" i "KOPIJE PONUDE". Original i obje kopije ponude sa naznakom da se radi o originalu, odnosno kopiji ponude I i II, se dostavljaju u koverti sa pečatom i potpisom dobavljača i sa naznakom da se radi o dokazima i izjavama.....

.....Originalna ponuda treba biti popunjena ručno neizbrisivom tintom; kopije ponuda treba da predstavljaju vjernu presliku originalne ponuda. Svi listovi ponude, moraju biti čvrsto uvezani tako da se ne mogu odvojiti od cjeline, sa označenim stranicama, te sa jemstvenikom čiji se krajevi na posljednjoj stranici spajaju i učvršćuju vinjetom na koju se stavlja pečat firme i potpis ovlaštene osobe. Sve stranice ponude koje sadrže tekst trebaju biti ovjereni pečatom firme, parafirani ili potpisani od strane lica koja su ovlaštena da zastupaju dobavljača. Sve dopune i izmjene ponude moraju biti čitljive, ovjerene pečatom firme i parafirane od ovlaštenih lica. Osim toga, u slučaju da ponude dostavljaju grupe ponuđača, uz ponudu se mora dostaviti i punomoć kojom se navedena lica ovlašćuju da predstavljaju grupu ponuđača u toku postupka nabavke (punomoć može sadržavati i ovlaštenje za potpisivanje ugovora).....

### **Obrazloženje:**

Komisija je izvršila detaljnu analizu dostavljene ponude ponuđača WIDEX SLUŠNI APARATI d.o.o., te je konstatovano da ista nije dostavljena u skladu sa Tenderskom dokumentacijom.

Ponuđač je dostavio dvije kopije koje nisu sa jemstvenikom čiji se krajevi na posljednjoj stranici spajaju i učvršćuju vinjetom na koju se stavlja pečat firme i potpis ovlaštene osobe.

U skladu sa prednjim navodima Komisija ponudu kao takvu nije uzela u daljnje razmatranje.

## **PONUDE KOJE SU PRIHVACENE ZA DALJNJU ANALIZU I EVALUACIJU**

Nakon detaljnog uvida u primljene ponude Komisija je konstatovala da je kvalificirani ponuđač za dalju ocjenu i vrednovanje prema kriterijima iz tenderske dokumentacije i uporedbu radi odabira najpovoljnijeg ponuđača za traženo niže navedeni ponuđač:

*Amir Kula Begović*



1	10-11-3-22310	MEDICAL INTERTRADE d.o.o.	09.06.2023. – 10:08
---	---------------	---------------------------	---------------------

Svi podaci iz ponuda kvalificiranih ponuđača unijeti su u tabelarni pregled, te je izvršena procjena ponuda po utvrđenom kriteriju iz javnog oglasa i izvršen odabir najpovoljnijeg ponuđača.

Izbor najpovoljnijeg ponuđača izvršiće se na osnovu kriterija najniža cijena:

1)	Cijena	učešće	100	%
----	--------	--------	-----	---

Okvirni sporazum će se dodijeliti dobavljaču koji je dostavio najbolje ocijenjenu prihvatljivu ponudu.

Vrednovanje ponuda i odabir najpovoljnijeg ponuđača vršit će se na sljedeći način :

#### 1.Cijena

Maksimalan broj bodova za ponudenu cijenu iznosi 100 bodova.

Ponuda sa najnižom cijenom za tehnički prihvatljivu specifikaciju se vrednuje ocjenom 100, a ostale ponude ponuđača sa tehnički prihvatljivim specifikacijama se vrednuju na sljedeći način:

Najniža ponuđena cijena x 100

Ponuđena cijena

#### **LOTOVI ZA KOJE NIJE DOSTAVLJENA NITI JEDNA PONUDA:**

LOT 2 - Aeracione ejevčice - implantati za ventilaciju i drenažu srednjeg uha

#### **E-AUKCIJA**

U skladu sa Tenderskom dokumentacijom Komisija nije mogla zakazati E-aukciju jer nije zaprimljen dovoljan broj prihvatljivih ponuda. U skladu sa članom 3 stav 3 Pravilnikom o uslovu i načinu korištenja E- aukcije („Sl.glasnik BiH“, broj 66), E- aukcija se ne može zakazati jer su dostavljene dvije ponude od kojih je samo jedna (1) ponuda prihvatljiva.

#### **PRIJEDLOG KOMISIJE**

Komisija predlaže da se okvirni sporazum za nabavku „ Medicinska sredstva za potrebe KCUS-a I/13/2023-C – Umjetna pužnica dodijeli dobavljaču:

#### **MEDICAL INTERTRADE d.o.o.**

LOT 1 - Umjetna pužnica - implantat sa setom za ugradnju	vrijednost bez PDV-a:	127.500,00 KM
	<b>Ukupno bez PDV-a:</b>	<b>127.500,00 KM</b>
	<b>+ PDV:</b>	<b>21.675,00 KM</b>
	<b>Ukupno sa PDV-om:</b>	<b>149.175,00 KM</b>

- Rok isporuke traženog materijala 30 dana od prijema narudžbe;
- FCO skladište kupca O.J. Klinička apoteka KCUS-a ;
- Odgođeno plaćanje 60 dana od ispostavljanja fakture;

*Amira Suljagic*

## REKAPITULACIJA

LOT	Ponudlač	Ukupan iznos bez PDV-a	Iznos PDV-a	Ukupan iznos sa PDV-om
LOT 1	MEDICAL INTERTRADE d.o.o.	127.500,00 KM	21.675,00 KM	149.175,00 KM
<b>UKUPNO:</b>		<b>127.500,00 KM</b>	<b>21.675,00 KM</b>	<b>149.175,00 KM</b>

### **Ostali elementi Okvirnog sporazuma:**

- Rok upotrebe ugovorenih materijala u vrijeme isporuke će biti najmanje 70% njihovog cjelokupnog roka upotrebe;

- Cijene su nepromijenjene za vrijeme trajanja okvirnog sporazuma;

- Okvirni sporazum se potpisuje na period od **24 (dvadeset i četiri) mjeseca ili utroška ukupnih sredstava na koje se ovaj Sporazum zaključuje.**

Na preporuku Komisije imenovane za predmetni postupak javne nabavke donijeta je Odluka kao u dispozitivu.



GENERALNA DIREKTORICA

Prof.dr. Sebiha Izetbegović

### **PRAVNA POUKA:**

Svaki ponudlač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama BiH („Službeni glasnik BiH“, broj 39/14) i/ili podzakonskih akata, ima pravo uložiti žalbu ugovornom organu u roku od 10 dana po prijemu Odluke o izboru, shodno Članu 99. i Članu 101. Zakona o javnim nabavkama BiH.